

d'exemple à ceux qui viendront apres luy, puis qu'elle
a esclaté deuant || tous & a esté en bonne odeur à tous. 590
Si ie n'en dis point autant des viuans, personne ne
doit estre appellé sainct qu'apres sa mort, ny iugé
comme meschant, iusques apres le trespas, pour ce
qu'on peut tousiours dechoir de sa perfection ou for-
tir du vice pour la vertu. Un iour iuge de l'autre,
mais le dernier iuge de tous, disoit un Philosophe, &
par ainsi il faut attendre apres la mort pour iuger de
l'homme.

Dieu voulant retirer à foy ce bon personnage & le
recompenser des trauaux qu'il auoit souffert pour
Iesus Christ, luy enuoya une maladie, de laquelle il
mourut 5. ou 6. sepmaines apres le Baptesme de ceste
petite fille de Kakemistic. Mais auparauant que de
rendre son ame entre les mains de son Createur, il se
mist en l'estat qu'il desiroit mourir, receut tous ses
sacremens de nostre P. Joseph le Caron, & disposa de
ses affaires au grand contentement de tous les siens.
Après quoy il fist approcher de son lict, sa femme &
ses enfans auxquels il fist une briefue exhortation de
la vanité de cette vie, des tresors du Ciel, & du merite
que l'on acquiert deuant Dieu en trauaillant pour le
salut du prochain. Je meurs content, leur disoit-il,
puisqu'il a pleu à Nostre Seigneur me faire la grace
de voir mourir deuant moy des Sauuages conuertis.
I'ay passé les mers pour les venir secourir plustost que
pour aucun interest particulier, & mourrois volon-
tiers pour leur conuersion, si tel estoit le bon plaisir
de Dieu. Je vous supplie de les aymer comme ie les
ay ayez, & de les assister || selon vostre pouuoir, 591